

亥21

31-6

(1)

十
葉
神
書
全

韓
閣
醫
學
六
種



十藥神書

蘇州振新書社藏板



十
光緒五年夏六
月敏德堂潘雕
書



余奉使渡臺後感受海外瘴癘吐
血咳嗽公好繙閱是編照方試服
旬日血止而嗽以平矣深服是編十方
治法為切中竅要蓋吐血原于肺胃上
逆十灰散用柏葉以飲肺大黃以降胃
牡丹皮山梔等味以瀉肝膽之火然後
清金補土固其營衛以次奏功焉得
不痛經陳修園先生逐方詳注極為
精當余又以已衰及名人所論隨筆添
註於上汪子用大令索閱是編談而好

之用之有效因為付梓剞劂既竣并乞
并言光緒己卯秋吳潘蔚書於鄂署
之精白堂



南京中醫藥大學圖書館版權所有
1994

此葉天士家藏秘書也前此流傳皆爲贗本余歸田後始得原書重爲訂注附於傷寒論金匱要略之後蓋以傷寒論金匱要略爲萬古不易之準繩而此書則奇以取勝也然奇而不離於正故可取焉閩長樂陳念祖識



夫人之生皆稟天地之氣而成形宜乎保養真元固守
根本則一病不生四體輕健若曰不養真元不守根本
病卽生矣根本者氣血精津也予得先師之教萬病無
如癆症之難蓋因人之壯年血氣充聚精液完足之際
不能守養惟務酒色豈分饑飽日夜耽慾無有休息以
致耗散精液則嘔血吐痰骨蒸煩熱腎虛精竭形羸頰
紅面白口乾咽燥小便白濁遺精盜汗飲食難進氣力
全無斯因火乘金位重則半年而斃輕則一載而傾況
爲醫者不究其源不通其治或大寒大熱之藥妄投亂
進不能取效殊不知大寒則愈虛其中大熱則愈竭其

內所以世之醫者無察其情予師用藥治癆如羿之射
無不中的余以用藥次第開列於後用藥之法逐一條
陳如嘔血咳嗽者先服十灰散揭住如不住者須以
蕊石散止之大抵血熱則行血冷則凝見黑則止此定
理也止血之後患人必疏解其體用獨參湯補之令其
熟睡一覺不要驚動醒則病去六七矣次服保真湯止
嗽寧肺太平丸潤肺扶痿消化丸下痰疏氣保和湯分
治血盛痰盛喘盛熱盛風盛寒盛六事加味治之餘無
加法又服藥法曰三日前服保真湯三日後服保和湯
二藥相間服之爲準每日仍濃煎薄荷湯灌漱喉中用

太平丸徐徐嚥下次噙一丸緩緩化下至上床時候如
此用之夜則肺竅開藥必流入肺竅此訣最爲切要如
痰壅却先用飴糖烱消化丸百丸吞下又依前嚼太平
丸令其仰臥而睡嗽必止矣如有餘嗽可煮潤肺膏服
之復其根本完其真元全愈之後方合十珍丸服之此
謂收功起身藥也前藥如神之妙如神之靈雖岐扁再
世不過於此吁世之方脉用藥不過草木金石碌碌之
常耳何以得此通神訣要奇異之靈也余蒙師授此書
吳中治癆何止千萬人哉未嘗傳與一人今衛世恐此
泯失重次序一新名曰十藥神書留遺子孫以廣其傳

矣時至正乙酉一陽日可久書於姑蘇養道月房

余自髫稚學業醫道攷究方脉三十餘年遍歷江湖
學廣博者不過言語文字形容之耳及至用藥治病
不能捷是以日夜苦心用志務在中病後遇至人同處
三月斯人極明醫道精通方術用藥如發矢無不中的
余曰必神人也遂拜爲師得授奇方一冊閱之或羣隊
者或三四味者皆余目觀至人用效者也使予如久旱
逢霖夜行得月心中豁然自此回至吳中一用一捷無
不刻驗信乎奇方可鉅梓者也余以三餘暇日將至人
所授奇方併日用決效之法類成一帙名曰十藥神書

蓋用效者輒記錄之今西浙大癡道人與余通家之好
用禮求授故錄以奉養生濟人之功用爾時至正戊
春正月三陽日可久再書於姑蘇春先堂



北京中醫藥大學圖書館版權所有

十藥神書目錄

甲字十灰散

乙字花蕊石散

丙字獨參湯

丁字保和湯

戊字保真湯

己字太平丸

又名寧嗽金丹

庚字沉香消化丸

辛字潤肺膏

壬字白鳳膏



南京中醫藥大學圖書館版權所有

十藥神書

癸字補髓丹

平胃散方

附

四君子湯

附



南京中医药大学图书馆版权所有

十藥神書

婦蘓葛可久編

古吳潘爵韓園重校增注

甲字十灰散

治嘔血吐血咯血嗽血先用此藥止之

大薊 小薊 荷葉 扁柏葉 茅根 茜根

山梔 大黃 牡丹皮 櫻櫚皮 各等分

右各燒灰存性研極細末用紙包碗蓋於地上一

夕出火毒用時先將白藕搗汁或蘿蔔汁磨京墨

半碗調服五錢食後服下如病勢輕用此立止如

血出成升斗者用後藥止之

十灰大小薊大黃梔子茅根茜草根側柏葉同荷葉等
櫻櫚皮並牡丹嘗

陳脩園按前散自注云燒灰存性今藥肆中止知燒
灰則色變爲黑而不知存性二字大有深義蓋各藥
有各藥之性若燒之太過則成死灰無用之物矣唯
燒之初燃卽速放於地上以碗覆之令滅其火俾各
藥一經火煉色雖變易而本來之眞性俱存所以用
之有效人以爲放地出火氣猶其淺焉者也然余治
證四十餘年習見時醫喜用此藥效者固多而未效
者亦復不少推原其故蓋因製不如法亦因輕藥不

潘按一治產後
敗血不盡血迷
血暈胎衣不下
脈急不省人事

能當此重任必須深一步論治審其脉洪面赤傷於
酗醉惱怒者爲火載血而上行症余製有惜紅丸
夜三四服但須以麻沸湯泡服不可煮服爲囑審其
素能保養脉沈而細面赤淡白血來時外有寒冷之
狀者爲陽虛陰必走症余製有惜紅散加鮮竹茹日
夜服三劑其藥之配合散見於拙刻各種中茲因集
隘不能備登

乙字花蕊石散

五藏崩損湧噴血成升斗用此止之

花蕊石

火煨存性研爲末

但心頭溫者急
用一服灌下瘀
血化水而出其
人即更效驗如
神

右用童便一鍾炖溫調末三錢甚者五錢食後服
下男子用酒一半女人用醋一半與童便和藥服
使瘀血化為黃水服此以後藥補之
每服只可壹錢潘注
花蕊石須火煨研炖分酒醋和童便功能化痰為黃水
輕用三錢重五錢

舊注

程瘦樵云係周氏所注然余以未得名號為憾

治吐血者競推葛可久

而先生首以二方止血明明劫劑毫無顧忌細玩始
知先生意之所到理之精也人生於陽根於陰陰氣
虧則陽自勝上氣為之喘促咳吐痰沫發熱面紅無
不相因而致故留得一分自家之血即減得一分上